

Umsögn vegna lagningar "tengivagns" við snúningshaus í Gauksási.

Málsaðili : Hafnarfjarðarkaupstaður
Tengiliður :
Dagsetning : 12.12.2014
Númer : 1411368
Flokkur : 577.0 Almenn t efni

Efni : Eins og ráðinu er kunnugt hafa verið gerðar athugasemdir við stöðu "tengivagns" í snúningshaus við Gauksás.
Er ekki ástæða í þessari umsögn að rekja þá sögu enda liggur hún fyrir í öðrum gögnum.

Það sem hefur vakið athygli er að lögreglan telur að lagning þessi sé hvorki brot á lögum eða lögreglusamþykkt Hafnarfjarðar sbr. tölvupóst dags. 27. nóvember sl. Engu að síður kemur eftirfarandi fram í 3. mgr. 20. gr. lögreglusamþykktar fyrir Hafnarfjörð:

Bannað er að leggja ökutæki á gangstéttum, opnum svæðum, óbyggðum lóðum og stígum.

Lögreglustjóri getur, að fengnum tillögum bæjarstjórnar, veitt undanþágu frá ofangreindu.

Vörubifreiðum sem eru 5 tonn að leyfðri heildarþyngd eða meira og fólksflutningabifreiðum

sem flytja mega 10 farþega eða fleiri má ekki leggja á götum eða almenningabifreiðastæðum

þ.m.t. almennum bílastæðum í íbúðarhverfum nema þau séu til þess ætluð. Bann þetta gildir

einnig um hvers konar vinnuvélar og dráttarvélar án tillits til þunga þeirra.

Bæjarstjórn getur

veitt undanþágu frá banni þessu og skal þá afmarka og merkja sérstaklega þá staði þar sem

undanþága hefur verið veitt.

Staða eftirvagna og tengivagna, s.s. hestaflutningavagna, hjólhýsa, tjaldvagna, dráttarkerra,

báta og þess háttar tækja sem og húsbíla sem þykja valda óþægindum, óþrifnaði eða hættu er

bönnuð á götum og almennum bifreiðastæðum.

Framkvæmdasviði er heimilt að undangenginni viðvörun, t.d. með álímingarmiða með

aðvörunarorðum, að flytja burtu og taka í vörslu Hafnarfjarðarbæjar ökutæki sem brjóta í bága

við 1. mgr. ? 5. mgr., ökutæki sem standa án skráningarnúmera á lóðum við almannafæri,

götum og almennum bifreiðastæðum og ökutæki sem skilin eru eftir á opnum svæðum.

Tilkynna skal skráðum eiganda og/eða umráðamanni um flutninginn og skal hann

bera kostnað vegna flutnings og vörslu ökutækisins.

Virðist lögreglan telja að þetta eigi ekki við í þessu tilviki.

Í minnisblaði dags. 11. desember sl. er sýnt fram á að snúningshaus geti ekki sinnt því hlutverki sem honum er ætlað ef ekki er nægilegt svigrúm til að snúa við. Jafnframt getur það valdið óþægindum og vandræðum við snjómokstur ef bílum er lagt í snúningshaus.

Að öllu þessu virtu verður undirritaður að vera ósammála túlkun lögreglunnar um að umrædd lagning "tengivagns" í snúningshaus brjóti ekki gegn lögreglusamþykkt Hafnarfjarðar. Í það minnsta er um að ræða óþægindi fyrir þá sem þurfa að nýta snúningshausinn og svo einnig starfsmenn bæjarins við snjómokstur. Þau óþægindi gætu svo haft í för með sér hættu ef vegfarendur reyna að bakka út úr götunni vegna þess að þeir geta ekki nýtt snúningshausinn.

Virðingarfyllst,
Ólafur Helgi Árnason, hrl.